



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 111. Continuum Belgii bellum, ac diploma ad Joannem Austriacum a  
Papa transmissum.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI. repetens, illud ab ipsis etiam Sancti  
 A.C. 1578. II. Lusitanæ Regis temporibus dedu-  
 cere nitebatur: denique Gregorius XIII. Papa ad Lusitanæ sceptrum aspirabat, cum hoc regnum Sedis Apostolicæ feudum esset, ac Cardinalium spolia Ecclesiæ Romanæ relinquere oporteret.

## §. CXI.

*Continuatum Belgii bellum ac Diploma ad Joannem Austriacum a Papa transmissum.*

Thu. l. 66.  
 Spond. hoc  
 ann. n. I.

Philippus II, cum interea regnum suum Lusitano diademate augendi spe detineretur, haud parum terrebatur ob ingentes armorum progressus, quibus foederati singulis annis novas eidem urbes eripiebant: quapropter in eunte hoc anno Domini millesimo quingentesimo septuagesimo octavo utrinque maximi armorum apparatus instruebantur, ac præprimis Joannes Austriacus collectis omnibus viribus suis copias in aciem educere parabat: hæc cum interim gererentur, idem a summo Pontifice diploma recepit, quo tam ipse, quam omnes, qui ejus castra sequerentur, plenam suorum peccatorum condonationem a Papa receperunt, adjectis tamen quibusdam conditionibus. Sub idem tempus Alexander Farnesius Octavii Parmensis Ducis, & Margari-  
 tæ,

Sæcul. XVI.  
A. C. 1578.

tæ, quæ ejusdem Joannis Soror erat, Filius plura Hispanorum vexilla, quæ ex Longobardia contrahebantur, ad eundem Joannem Austriacum adducebat; hic ergo hisce suppetiis fretus fœderatos data quacunque occasione invadere decreverat, cum ergo illos Gemblaci, quo sua impedimenta jamjam præmiserant, substitutos intelligeret, eo destinabat Mansfeldium Comitem, & Octavium Gonzagam unacum duobus equitum millibus, quorum subsidio Namurcum caperetur, hostisque in itinere interceptus ad pugnam provocari posset. Hujus concilii executioni suffragabatur etiam Parmensis Dux, unde victoriam de hostibus reportabat Joannes Austriacus, dum fœderatorum copias strenue profligavit, cæsis eorum tribus millibus, captisque quamplurimis.

## §. CXII.

*Protestantes Amstellodami recepti, eorumque crudelitates.*

Prosper hic armorum successus nonnihil Amstellodamensis urbis jacturam imminuebat; quippe hæc urbs die secunda Februarii Arausionensi Principi sese dederat, pactis hisce conditionibus I. Protestantibus extra urbem convenire, & intra urbem in loco profano

Thu. l. 66.  
Strada l. 10.